



REPUBLIKA E SHQIPËRISË
AUTORITETI I KONKURENCËS
KOMISIONI KONKURENCËS

Nr. 540/18 prot.

Tiranë, më 21.10.2022

VENDIM

Nr. 914 Datë 21.10.2022

“MBI AUTORIZIMIN E PËRQENDRIMIT TË REALIZUAR NËPËRMJET KRIJIMIT TË NJË NDËRMARRJE TË PËRBASHKËT ME FUNKSIONE TË PLOTA, NGA SHOQËRITË SAUDI ARAMCO DEVELOPMENT CO LTD DHE HONEYWELL AUTOMATION AND CONTROL PRODUCTS LTD”.

Komisioni i Konkurrencës me pjesëmarrjen e:

Z.	Denar BIBA	Kryetar
Znj.	Leida MATJA	Zv/Kryetar
Znj.	Adriana BERBERI	Anëtar
Znj.	Rezana KONOMI	Anëtar
Z.	Durim KRAJA	Anëtar

Në mbledhjen e tij të datës 21.10.2022, shqyrtoi çështjen me:

Objekti: Autorizimi i përqendrimit të realizuar nëpërmjet krijimit të një ndërmarrje të përbashkët me funksione të plota, nga shoqëritë Saudi Aramco Development Co Ltd dhe Honeywell Automation and Control Products Ltd.

Baza Ligjore: Nenet 2, 10-12, neni 24, germa d, dhe nenet 53-64 të ligjit nr. 9121, datë 28.07.2003 “Për mbrojtjen e konkurrencës”; Rregullorja “Për zbatimin e procedurave të përqendrimit të ndërmarrjeve”; Udhëzimi “Për formën e njoftimit të përqendrimit” dhe Formulari i njoftimit të përqendrimit.

Komisioni i Konkurrencës, pas shqyrtimit të relacionit të Sekretarit të Përgjithshëm, si dhe raportit të Drejtorisë së Analizës dhe Metodologjisë së Tregjeve mbi njoftimin e përqendrimit të realizuar nëpërmjet krijimit të një ndërmarrje të përbashkët me funksione të plota, nga shoqëritë Saudi Aramco Development Co Ltd dhe Honeywell Automation and Control Products Ltd.

VËREN SE :

I. Palët në transaksion dhe procedura

Pranë Autoritetit të Konkurrencës është depozituar njoftimi mbi përqendrimin e realizuar nëpërmjet krijimit të një ndërmarrje të përbashkët me funksione të plota, nga shoqëritë Saudi Aramco Development Co Ltd dhe Honeywell Automation and Control Products Ltd.

Referuar “Marrëveshjes së ortakëve” palët janë:

Pala 1: Saudi Aramco Development Co Ltd është një shoqëri me përgjegjësi të kufizuar, me ortak të vetëm, e themeluar dhe që ushtron veprimtarinë e saj në përputhje me legjislacionin e Mbretërisë së Arabisë Saudite, e angazhuar në furnizimin dhe tregtimin e naftës, gazit, petrokimike, shërbimet komunale dhe furnizime industriale.

Saudi Aramco Development Co Ltd është një filial në pronësi të plotë të shoqërisë Saudi Arabian Oil Company, shoqëri aksionare, e themeluar dhe që ushtron veprimtarinë e saj në përputhje me legjislacionin e Mbretërisë së Arabisë Saudite, e angazhuar në kërkimin, eksplorimin, shpimin dhe nxjerrjen e substancave hidrokarbure dhe përpunimin, prodhimin, rafinimin dhe tregtimin e këtyre substancave.

Saudi Arabian Oil Company nuk ka prezencë ligjore të regjistruar në Shqipëri, por gjeneron të ardhura në Shqipëri përmes tregtimit dhe shitjes së hidrokarbureve dhe lëndëve të tjera derivate.

Pala 2: Honeywell Automation and Control Products Ltd është një shoqëri me përgjegjësi të kufizuar, e themeluar dhe që ushtron veprimtarinë e saj në përputhje me legjislacionin e Mbretërisë së Arabisë Saudite, me objekt aktiviteti lidhjen e kablove të telekomunikacionit; instalimin e kablove të rrjetit; shitjen me shumicë të softuerit, duke përfshirë importimin, shitjen me shumicë të pjesëve rezervë të pajisjeve elektronike të lidhura me telekomunikacionin, duke përfshirë shitjen e tubave elektronikë dhe pllakave të qarkut të integruar dhe të printuar etj.

Honeywell Automation and Control Products Ltd është një filial në pronësi të plotë të Honeywell International Inc., një konglomerat shumëkombësh, i listuar në bursë në SHBA.

Pala njoftuese nuk ka depozituar informacion mbi ndonjë filial apo degë të Honeywell International Inc. në Shqipëri, por ka deklaruar që realizon të ardhura.

Ndërmarrja e Përbashkët (JV), do të themelohet në Mbretërinë e Arabisë Saudite dhe do të jetë një JV me funksion të plotë, aktive në zhvillimin, vendosjen, tregtimin dhe menaxhimin e Plant Digital Platforms dhe ofrimin e shërbimeve shoqëruese fillimisht për shoqërinë Saudi Arabian Oil Company, sipërmarrjet e përbashkëta të Saudi Arabian Oil Company dhe filialeve të saj, si dhe për kompani të vendosura kryesisht në Rajonin e vendeve të Lindjes së Mesme dhe në Irak.

Aktualisht nuk ka plane që Joint Venture e propozuar të jetë aktive, apo të ushtrojë aktivitet në Shqipëri.

II. Përqendrimi

Më datë 08 gusht 2022 është nënshkruar “Marrëveshje ortakësh” nga shoqëritë Saudi Aramco Development Co Ltd dhe Honeywell Automation and Control Products Ltd.

Shoqëritë Saudi Aramco Development Co Ltd dhe Honeywell Automation do të kenë një pjesë fillestare të kapitalit të autorizuar të barabartë me 50% të tij.

Në përfundim të transaksionit, JV do të kontrollohet bashkërisht 50% nga Saudi Aramco Development Co Ltd dhe 50% nga Honeywell Automation and Control Products Ltd.

Referuar marrëveshjes së krijimit të një ndërmarrjes së përbashkët me funksione të plota (JV), nga shoqëritë Saudi Aramco Development Co Ltd dhe Honeywell Automation and Control Products Ltd si dhe pasqyrave financiare të palëve, transaksioni i propozuar, përbën një përqendrim në kuptim të nenit 10 dhe 12 të ligjit nr. 9121 datë 28.07.2003 “Për mbrojtjen e konkurrencës” dhe si i tillë është objekt autorizimi nga Komisioni i Konkurrencës.

III. Analiza e Konkurrencës

Në zbatim të nenit 3, pika 7, të ligjit nr. 9121, datë 28.07.2003 “Për mbrojtjen e konkurrencës”, si edhe Udhëzimit nr.76, datë 07.04.2008 “Për përcaktimin e tregut përkatës”, treg përkatës i produktit do të konsiderohet tregu i zhvillimit, vendosjes, tregtimit dhe menaxhimit të Sistemit të Integruar të Menaxhimit të Operacioneve të Prodhimit dhe shërbimeve të lidhura me të, por duke qenë se transaksioni nuk do të ketë asnjë ndikim në tregun shqiptar si edhe duke iu referuar praktikave të Komisionit Evropian në çështje të ngjashme, tregu përkatës i produktit do të lihet i hapur. Treg përkatës gjeografik do të konsiderohet territori i Republikës së Shqipërisë.

Transaksioni i propozuar është krijimi i një ndërmarrje të përbashkët Joint-Venture, me funksione të plota, nga shoqëria Saudi Aramco Development Company dhe shoqëria Honeywell Automation and Control Products Ltd., e cila do të krijohet në Mbretërinë e Arabisë Saudite dhe nuk ka plane që ajo të jetë aktive në Shqipëri.

Përqendrimi i njoftuar nuk do të krijojë mbivendosje ose marrëdhënie të rrjedhës së sipërme apo të poshtme midis aktiviteteve të palëve në nivel kombëtar dhe për këto arsye, transaksioni i synuar nuk do të sjellë ndryshim dhe nuk do të ketë ndikim në tregun shqiptar

PËR KËTO ARSYE:


Komisioni i Konkurrencës, në bazë të nenit 24, shkronja d dhe nenit 56 pika 1 të ligjit nr. 9121, datë 28.07.2003 “Për mbrojtjen e konkurrencës”,

VENDOSI:

1. Të autorizojë përqendrimin e realizuar nëpërmjet krijimit të një ndërmarrje të përbashkët me funksione të plota, nga shoqëritë Saudi Aramco Development Company dhe shoqëria Honeywell Automation and Control Products Ltd.
2. Ngarkohet Sekretari i Përgjithshëm për njoftimin e palëve dhe dërgimin e vendimit pasi të bëhen pagesat që parashikon rregullorja “Për caktimin e shpenzimeve për ndjekjen e procedurave pranë Autoritetit të Konkurrencës”.

Ky vendim hyn në fuqi menjëherë.

KOMISIONI I KONKURRENCËS

 Leida MATJA Zv/Kryetar	 Rezana KONOMI Anëtar	 Adriana BERBERI Anëtar	 Durim KRAJA Anëtar
 Denar BIBA Kryetar			